



LE GOUVERNEMENT
DU GRAND-DUCHÉ DE LUXEMBOURG
Ministère de l'Économie

Le Ministre des Classes moyennes
Le Ministre du Tourisme

Luxembourg, le 6 novembre 2020

Le Ministre des Classes Moyennes,
Ministre du Tourisme
à
Monsieur le Ministre aux Relations
avec le Parlement

REÇU

Par Alff Christian, 08:22, 06/11/2020

Objet : Question parlementaire urgente n° 3061 du 28 octobre 2020 de
Monsieur le Député Roy Reding

J'ai l'honneur de vous transmettre ci-joint la réponse commune à la question
parlementaire urgente sous rubrique.

Pour le Ministre des Classes moyennes,
Ministre du Tourisme,

Françoise Schlink
Premier Conseiller de gouvernement

Gemeinsam Äntwert vum Här Lex Delles, Minister fir Mëttelstand, Minister fir Tourismus, vum Här Franz Fayot, Wirtschaftsminister, dem François Bausch, Minister fir Mobilitéit an ëffentlech Aarbechten an der Madamm Sam Tanson, Kulturministesch op déi dréngend parlamentaresch Fro n°3061 vum 28. Oktober 2020 vun dem éierbaren Deputéierte Roy Reding

1. Aarbechtsplazen

D'Regierung ass sech hirer Verantwortung voll a ganz bewusst a wäert weiderhin deene Betriber ënnert d'Äerm gräifen, déi net duerch en eegent Feelverhalen, mä duerch déi konjunkturell Situatioun vun der Pandemie vum Covid-19, an eng prekär Situatioun gerode sinn. D'Regierung huet dofir schon eng sëllege Mesuren ergraff, ënnert anerem :

- An enger éischer Phase ass ee Stabilisatiounspak vun 10,4 Milliarden Euro beschloss ginn.
- An enger zweeter Phase koum de "Neistart Lëtzebuerg" dobäi, mat engem Finanzpak vun 800 Milliounen Euro.
- Dat mat Ofstand wichtegst Instrument war an ass awer sonner Zweifel de Chômage partiel, wou mir grouse Wäert drop geluecht hunn, dass kee vun de betraffene Salariés ënnert de Seuil vum soziale Mindestloun fält.
- Direkthëllef an Héicht vun +/- 200 Milliounen Euro sinn un d'Fräiberuffler ausbezuel ginn. Dëst ass iwwert de Wee vun enger éischer Direkthëllef vun 2.500 € an duerno iwwert eng 2. Direkthëllef vun 3.000 bis 4.000 € geschitt.
- Et sinn Direkthëllef an déi kleng a mëttelgrouss Betriber ausbezuel ginn: Eng éischt Direkthëllef vu 5.000 € fir déi betraffe Betriber an duerno ee weidere Betrag vu 5.000 €, respektiv 12.500 €.
- Mir hunn och Mesuren agefouert fir d'wirtschaftlech Relance vun de vulnerabelste Secteuren ze fërderen. Dëst ass geschitt iwwert de Wee vun Direkthëllef fir den Einzelhandel a verschidden Aktivitéiten aus dem Handwierk an iwwert de "Fonds de relance et de solidarité", deen sech virun allem un Secteuren vum Horeca, dem Événementiel an dem Tourismus geriicht huet.

D'Regierung huet déi wirtschaftlech Entwécklung permanent am Bléck a wäert och weider Mesuren ergräifen, wann sech dëst als noutwenneg sollt erweisen:

- Sou wäert d'Méiglechkeet vun der Deelzäitaarbecht iwwert den 31. Dezember 2020 méiglech bleiwen, virop fir déi vulnerabel Secteuren, mä och fir déi aner Betriber, déi duerch d'Pandemie an a Schwieregkeete gerode sinn.
- Den aktuelle "Fonds de relance et de solidarité" wäert verlängert ginn, dëst ënnert de selwechte Konditiounen wéi an der aktueller Versioun.
- Mir wäerten och eng nei Direkthëllef an d'Weeër leeden, déi et de Betriber aus de vulnerabele Secteuren wäert erlaben fir en Deel vun hire Käschte kënne kompenséiert kréien.
- De Chômage partiel ass den beschten Outil fir am Kader vun dëser Krise den Emploi beschméiglech ze stabiliséieren an d'Regierung wäert an enker Ofsprooch mat de Sozialpartner déi néideg Upassungen un d'Mechanisme vum Chômage partiel maache fir dësen dem aktuellste Stand vun der Krisensituatioun unzepassen.

- Am Kader vun den neie Moosnamen am Kader vun der Covid-19 Pandemie déi zënter dem 30. Oktober 2020 a Kraaft sinn huet d'Regierung dofir och decidéiert fir ausnamsweis den Delai ze verlängere fir de Chômage partiel fir de Mount November unzufroen. Esou kënnen Betriber déi fir de Mount November nach kee Chômage partiel ugefrot haten dëst nach nodréiglech bis de 5 November maachen.

2. Aviatioun

Wat den Aviatiounssecteur ugeet, sou ass am Moment eng Tripartite amgaang, wou de Staat mat de Gesellschafte wou en Aktionär ass an den Personalvertrieder zesumme probéiert eng Rei vu Léisungen ze fannen.

3. + 4. Horeca / Evénementiel / Kultur

D'Secteur vum Horeca, dem Evénementiel a vun der Kultur gehéieren den Ament zu den am schwéierste betraffene Secteuren. Mä mir sinn eis awer sécher, dass d'Majoritéit vun de Betriber an dëse Beräicher gesond ass an dass hire Businessmodell no der Pandemie och nees gräife wäert. Dofir ass et wichteg dëse Betriber zur Säit ze stoen, fir d'Kris sou gutt et geet ze iwwerstoen.

D'Verlängerung vum "Fonds de relance et de solidarité", grad sou wéi déi nei Hëllef fir eng Deelkompensatioun vun de Käschten, sinn dofir an eisen Aen fundamental Elementer fir d'Betriber vum Horeca a vum Evénementiel, esou wéi de Premier Xavier Bettel dat och schonn an der Ried zur Lag vun der Natioun annoncéiert hat.

Obwuel de Kulturbetrieb ka weiderlafen, ass en dach duerch déi bestoend Moosnamen beanträchtegt, wat virun allem e groussen Impakt op d'Beschäftigungsméiglechkeete vun de professionellen onofhängegen Artisten an Intermittents du spectacle huet. De Kulturministère iwwerprüft dofir d'Méiglechkeet fir déi temporaire zousätzlech Sozialhëllef fir onofhängeg professionell Artisten an Intermittents du spectacle, déi vum Mäerz bis den August 2020 en vigeur waren, erëm ze reaktivéieren.

5. + 7. Forainen a Maartleit

D'Foraine kënnen scho vum aktuelle "Fonds de relance et de solidarité" profitéieren.

6. Wierksamkeet

Et versteet sech vum selwen, dass d'Regierung ee permanente Screening vun de bestoenden Hëllef mécht a probéiert d'Mesuren esou gutt a gerecht wéi méiglech ze gestalten an, falls néideg, nei Mesuren an d'Liewen ze ruffen. Éischt Erkenntnisser weisen, dass, bedéngt duerch d'Unhale vun der Pandemie, déi erhoffte Relance an eenzele Beräicher leider ze schwach ass respektiv guer net agebratt ass. Aus dësem Grond ginn dofir verschidde Mesure verlängert, respektiv nei Regimier (Hëllef fir eng Deelkompensatioun vun de Käschten) geschaaft.

8. Bongen

An dësem Kontext sief op d'Äntwert op d'parlamentaresch Ufro 2911 verweisen.